



JU KANTONALNA BOLNICA ZENICA

Adresa: Crkvice 67, 72000 Zenica, Bosna i Hercegovina Direktor: 032 226 575
Centrala: 032 405-133 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 22-02-6351 /23
Zenica, 31.08.2023. godine.

Na osnovu člana 69. i 70. Zakona o javnim nabavkama ("Službeni glasnik BiH" broj 39/14, 59/22), člana 21. Pravilnika o javnim nabavkama JU Kantonalne bolnice Zenica (broj: 20/1-1-17555 od 24.08.2016. godine), direktor Kantonalne bolnice Zenica, donosi

ODLUKU

I

Vrši se odabir ponude ponuđača "**SIEMENS MEDICINA**" D.O.O. SARAJEVO, kao najpovoljnije za javnu nabavku robe – Rezervni dijelovi za održavanje medicinske opreme proizvođača "SIEMENS" za potrebe JU Kantonalna bolnica Zenica, sa najpovoljnijom ukupno ponudenom cijenom od 299.541,90 KM, bez PDV-a, i dodjeljuje okvirni sporazum navedenom ponuđaču.

Sa odabranim ponuđačem zaključit će se okvirni sporazum na period od 1 /jedne/ godine, na ukupnu datu vrijednost ponude u iznosu od 199.541,90 KM, bez PDV-a, a nakon pravosnažnosti ove Odluke.

II

Javna nabavka je provedena putem otvorenog postupka, uz namjeru provođenja e-aukcije, tender broj: 11-73/23.

III

Ova odluka stupa na snagu danom donošenja.

Obrazloženje

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj 103/14), Komisija za javnu nabavku robe – Rezervni dijelovi za održavanje medicinske opreme proizvođača "SIEMENS" za potrebe JU Kantonalna bolnica Zenica, imenovana Odlukom direktora broj: 01-02-420-1/23 od 09.06.2023. godine podnosi direktoru JU Kantonalne bolnice Zenica Izvještaj o provedenom postupku javne nabavke robe - Rezervni dijelovi za održavanje medicinske opreme proizvođača "SIEMENS" za potrebe JU Kantonalna bolnica Zenica na period od 1 (jedne) godine (otvoreni postupak javne nabavke uz namjeru provođenja e-aukcije, tender broj: 11-73/23).

Odlukom direktora broj 01-02-420/23 od 09.06.2023. godine pokrenut je postupak javne nabavke robe: Rezervni dijelovi za održavanje medicinske opreme proizvođača "SIEMENS" za potrebe JU Kantonalna bolnica Zenica, ukupne procijenjene vrijednosti 300.000,00 KM bez PDV-a, na jednogodišnjem nivou, otvorenim postupkom, a u skladu sa članom 19. st.1 Zakona o javnim nabavkama.

Otvoreni postupak je odabran za korištenje iz sljedećih razloga:

Članom 19. stav 1 Zakona o javnim nabavkama propisano je da Ugovorni organi iz člana 4.ovog zakona za dodjelu ugovora o javnoj nabavci primjenjuje otvoreni ili ograničeni postupak kao osnovne i redovne postupke. Obzirom da KB Zenica spada u ugovorne organe iz člana 4. ZJN, smatramo da su ispunjeni uslovi da se provede otvoreni postupak za javnu nabavku roba - Rezervni dijelovi za održavanje medicinske opreme proizvođača "SIEMENS" za potrebe JU Kantonalna bolnica Zenica.

Komisija je utvrdila sljedeće:

- da je na portalu „E-nabavke“ dana 27.07.2023. godine, objavljeno je obavještenje o nabavci broj 669-1-1-449-3-304/23 i TD i da je na portalu „E-nabavke“ dana 18.08.2023. godine, objavljeno je ispravka

- obavješena o nabavci broj 669-1-1-449-8-322/23 i TD sa namjerom provođenja e-aukcije, te rokom prijema ponuda i javnim otvaranjem ponuda zakazanim za dan 29.08.2023. godine,
- da na portalu E-nabavke nije bilo upita vezano za TD predmetne nabavke,
 - da se namjerava zaključiti okvirni sporazum sa jednim ponuđačem na period od 1 (jedne) godine,
 - da je javno otvaranje ponuda bilo dana 29.08.2023. godine u 10,00 sati,
 - da na javnom otvaranju ponuda nije bilo prisutnih predstavnika ponuđača,
 - da je sa portala „E-nabavke“ tendersku dokumentaciju objavljenu 27.07.2023. godine, preuzelo ukupno 4 (četiri) potencijalnih ponuđača,
 - Da je na tender broj 11-73/23 u predviđenom roku pristigla ukupno 1 (jedna) ponuda i to ponuda ponuđača:

1. „SIEMENS MEDICINA“ D.O.O. SARAJEVO

Prikaz prihvatljivosti ponuda prema obliku, sadržaju i potpunosti, iz zapisnika o otvaranju ponuda:

Naziv ponuđača	Najniža cijena tehnički zadovoljavajuće ponude izražena u KM bez uračunatog PDV-a
„SIEMENS MEDICINA“ D.O.O. SARAJEVO	299.541,90

NAPOMENA: Ponuđač je dostavio kopije ponude koju je preuzeo predsjednik Komisije, koji će se isti izjasniti pismeno nakon što pregleda iste.

Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izjava:

USLOVI ZA KVALIFIKACIJU

Ponuđač je dužan u svrhu dokazivanja lične sposobnosti (član 45. ZJN BiH) dokazati da :

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa (općinskog organa uprave, suda ili notara) izjavu koja je sastavni dio tenderske dokumentacije. Izjava ne smije biti starija od 15 dana od dana predaje ponude.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač koji bude odabran kao najbolji u ovom postupku javne nabavke je dužan dostaviti sljedeće dokaze u svrhu dokazivanja činjenica potvrđenih u izjavi i to:

- a) izvod iz kaznene evidencije nadležnog suda i Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektne poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze.

Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom . U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 7 (sedam) dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. ZJN BiH.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.

Ugovorni organ može isključiti ponuđača/kandidata na period od 12 mjeseci iz učešća u postupku javne nabavke ukoliko može dokazati:

- a) da je kandidat/ponuđač sklopio sporazum sa drugim kandidatom/ponuđačem kojem je cilj narušavanje tržišne konkurencije,
- b) da je dokazivo odgovarajućim dokaznim sredstvima da je ponuđač/kandidat kriv za teški profesionalni propust koji dovodi u pitanje njegov integritet,
- c) da su utvrđeni značajni nedostaci tokom sprovođenja predhodnog javnog ugovora ili predhodnog ugovora sa sektorskim organom čija je posljedica bila prijevremeni raskid tog predhodnog ugovora, naknada štete ili druga slična sankcija,
- d) ako je kandidat/ponuđač lažno prikazao činjenice pri dostavljanju podataka potrebnih za provjeru kvalifikacionih i/ili kriterijuma za dodjelu ugovora, ako je prikrio takve informacije ili nije ustanju da priloži popratne dokumente,
- e) ako se sukob interesa u smislu člana 52. Zakona ne može ukloniti drugim, manjim drastičnim mjerama.

Rok od 12 mjeseci na koji se može isključiti ponuđača/kandidata iz učešća u postupku javne nabavke računa se od dana donošenja odluke nadležnog organa.

Kandidat/ ponuđač kod kojeg su ostvarene osnove za isključenje po gore nabrojanim dokazima koji se mogu predočiti, može se dostaviti dokaz ugovornom organu o mjerama koje je preduzeo kako bi dokazao svoju pouzdanost bez obzira na postojanost relevantne osnove za isključenje, a to se dokazuje sljedećim:

- a) plaćanjem naknade štete ili preduzimanjem drugih odgovarajućih mjera s ciljem plaćanja naknade štete prouzrokovane krivičnim djelom ili propustom,
- b) aktivnom saradnjom sa nadležnim istražnim organima radi potpunog razrješenja činjenica i okolnosti u vezi sa krivičnim djelom ili propustom,
- c) odgovarajućim tehničkim, organizacionim i kadrovskim mjerama radi sprečavanja daljnjih krivičnih djela ili propusta.

Mjere koje preduzme kandidat/ ponuđač (gore nabrojane) ocjenjuju se uzimajući u obzir težinu i posebne okolnosti djela ili propuste te je obavezan obrazložiti razloge prihvatanja ili neprihvatanja mjera. Ugovorni organ neće isključiti kandidata/ ponuđača iz postupka nabavke ako je ocijenjeno da su preduzete mjere primjerene.

Kandidat/ ponuđač kojem je pravosnaznom presudom određena zabrana ucestvovanja u postupcima javne nabavke na određeno vrijeme nema pravo korištenja mogućnosti dostavljanja dokaza kojima dokazuje svoju pouzdanost bez obzira na postojanje relevantnih osnova za isključenje.

Ako ugovorni organ ima sumnje o postojanju okolnosti za odbacivanje ili isključenje kandidata/ ponuđača, može se obratiti nadležnim organima s ciljem pribavljanja potrebnih informacija o predmetnom postupku.

Ponuđač je dužan u svrhu dokazivanja sposobnosti obavljanja profesionalne djelatnosti (član 46. ZJN BiH) dokazati da je:

- a.) da je registrovan u relevantnim profesionalnim ili drugim registrima u zemlji u kojoj je registrovan, ili dostavi posebnu izjavu ili potvrdu nadležnog organa kojom dokazuje njihovo pravo da obavlja profesionalnu djelatnost koja je u vezi sa predmetnom nabavkom
- b.) upisan u registar veletrgovaca lijekova i medicinskih sredstava kod Agencije za lijekove i medicinska sredstva BiH
- c.) ovlašteni distributer za predmet javne nabavke u BiH

U svhu dokazivanja uslova iz tačke a):

- Rješenje o upisu u sudski registr ili aktuelni sudski izvod iz sudskog registra ili neki drugi dokument kojim ponuđač nedvosmisleno dokazuje da je registrovan za obavljanje predmetne djelatnosti

U svrhu dokazivanja uslova iz tačke b):

- važeći dokument/rješenje o upisu u registar veletrgovaca medicinskih sredstava koji je izdala Agencija za lijekove i medicinska sredstva BiH.

Dokazi se dostavljaju kao neovjerene kopije originala, s tim da datum izdavanja originala za uslov pod tačkom a) ne može biti stariji od tri mjeseca računajući od dana dostavljanja ponude.

U svhu dokazivanja uslova iz tačke c):

- važeću autorizaciju proizvođača ili glavnog distributera ponuđenih medicinskih sredstava za BiH.

(prevedena na jedan od govornih jezika BiH od strane ovlaštenog sudskog tumača sa jezika sa kojeg je prevedena) kojom ponuđač dokazuje da je ovlašteni distributer i serviser proizvođača predmetne opreme za BiH,

Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmetne nabavke.

Ponuđač je dužan dostaviti navedene dokaze uz ponudu u kopiji.

Ponuđač koji bude odabran kao najbolji u ovom postupku javne nabavke je dužan dostaviti navedene dokaze u originalu ili ovjerenoj kopiji od strane naležne institucije u roku od 7 /sedam/ dana od dana zaprimanja obavještenja o rezultatima ovog postupka javne nabavke.

Dokaz koji je dužan dostaviti izabrani ponuđač mora sadržavati potvrdu da je u momentu predaje ponude ispunjavao uslove koji se traže tenderskom dokumentacijom.

Ponuđač je dužan u svrhu dokazivanja ekonomsko i finansijske sposobnosti kandidata (član 47. ZJN BiH) dokazati da:

- a) glavni transakcijski bankarski račun ponuđača aktivan i solventan

U svrhu dokazivanja uslova ponuđač je dužan dostaviti:

- Izjavu ovjerenu od strane ponuđača, koja je dostavlja u formi iz Priloga broj 9. TD, koja ne smije biti starija od 15 /petnaest/ dana od dana predaje ponude.
- Potvrdu banke ponuđača ili druge finansijske institucije (npr. Centralna banka) da ponuđač ima otvoren i solventan račun kod iste i da je ujedno taj račun glavni, dostavlja se kao neovjerena kopija originala, s tim da datum izdavanja originala ne može biti stariji od 3 /tri/ mjeseca računajući od dana dostavljanja ponude.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke. Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač je dužan u svrhu dokazivanja tehničke i profesionalne sposobnosti (član 48. i 49. ZJN BiH) dokazati da:

- a) da ponudjeni rezervni dijelovi posjeduju odgovarajuće uvjerenje o kvaliteti izdato od strane organa ovlaštenog za verifikaciju proizvođača,
- b) da kvaliteta ponuđene robe odgovara tehničkoj specifikaciji iz obrasca za cijenu ponude-Prilog broj 10 TD

U svrhu dokazivanja uslova tehničke i profesionalne sposobnosti ponuđač je dužan dostaviti:

- a.) EC-Certifikat o uskladjenosti (Declaration of Conformity) ili ekvivalentan certifikat ili izjave proizvođača o uskladjenosti ponuđene robe s evropskom direktivom, obična kopija.

Certifikati trebaju biti izdati od strane nadležne institucije ili agencije za kontrolu kvaliteta, akreditovane laboratorije ili druge nadležne institucije, sertifikati izdati i usklađeni u skladu sa usvojenim Direktivama EU u pogledu osiguranja standarda kvaliteta ili drugim ekvivalentnim mjerama osiguranja kvaliteta (pod ekvivalentnim mjerama se podrazumijevaju standardi i mjere osiguranja kvaliteta navedeni u Direktivama EU) a kojim se potvrđuje da na odgovarajući način tačno označena roba odgovara specifikacijam ili normama, odnosno tehnički list ili proizvođačka deklaracija izdata od strane proizvođača robe. Navedeni dokumenti moraju da sadrže minimalno podatke koji su traženi u tehničkoj specifikaciji kako bi se moglo utvrditi da se radi o tačno određenom artiklu, sa određenim karakteristikama,

- b.) Izjava ponuđača da ponuđena predmetna roba u cjelosti odgovara postavljenoj tehničkoj specifikaciji iz Obrasca za cijenu ponude-Prilog broj 10 TD, original izjava.

Kandidat je dužan da uz zahtjev za učešće dostavi i slijedeća dokumenta (Izjave o uslovima isporuke i garanciji na rezervni dio):

- Izjava ponuđača da su ponuđeni originalni rezervni dijelovi koji su pobrojani u Prilogu 2 TD, a čiji je sastavni dio Prilog broj 10 TD po aparatima,
- Izjava ponuđača da je garancija na ponuđene rezervne dijelove **minimalno 6 (šest) mjeseci**,
- Izjava da isporuka rezervnih dijelova ne može biti duža od 30 (trideset) dana od dana dostave elektronske narudbenice,
- Lista rezervnih dijelova sa cijenama
- Izjava ponuđača o mjestu isporuke u skladu sa tačkom 10. TD
- Izjava ponuđača o nepromjenjivosti cijena za vrijeme trajanja okvirnog sporazuma
- Izjava ponuđača da pristaje na plaćanje u skladu sa tačkom 32. TD
- Izjava ponuđača o opciji važenja ponude u trajanju do 120 (stotinudvadeset) dana u skladu sa tačkom 22. TD
- Izjava ponuđača da prihvata elektronsku dostavu narudžbi, putem službenog e-maila ponuđača,
- Izjava ponuđača da će nakon odluke o izboru na službeni mail ugovornog organa dostaviti elektronski popunjen obrazac za cijenu ponude (Excel document), Prilog broj 10.

PONUĐA MORA SADRŽAVATI

- a) Osnovne podatke o ponuđaču na memorandumu ponuđača (adresa, sjedište, službeni e-mail ponuđača za komunikaciju i dostavu odluka, direktor, ID broj, naziv banke kod koje ima otvoren glavni račun sa brojem istog i sl.)
- b) Obrazac za dostavljanje ponude, popunjen, potpisan i ovjeren od strane ovlaštene osobe, sa popisom priložene dokumentacije; **Prilog broj 1;**
- c) Obrazac za cijenu ponude, popunjen, potpisan i ovjeren od strane ovlaštene osobe-**Prilog broj 2;**
- d) Obrazac sa spiskom rezervnih dijelova po aparatima, sa cijenama-**Prilog broj 10**, popunjen na originalnom dokumentu iz TD;
- e) Izjava o ispunjenosti uslova iz člana 45. stav (1) tačkaka od a) do d) Zakona o javnim nabavkama, ovjerena od strane nadležnog organa (općinskog organa uprave, suda ili notara) u skladu sa tačkom 12.1. TD- **Prilog broj 3;**
- f) Obične kopije dokumenata kojima ponuđač dokazuje ispunjenost uslova iz člana 46. ZJN BiH u skladu sa tačkom 12.2. TD,
- g) Izjava o ispunjenosti uslova iz člana 47. stav (1) tačkaka od a) do d) i (4) Zakona o javnim nabavkama, ovjeren, potpisan i popunjen od strane ovlaštene osobe, u skladu sa tačkom 12.3. TD, **Prilog broj 9;**
- h) Izjava ponuđača i dokumenti u skladu sa tačkom 12.4 TD,
- i) Izjave ponuđača ovjerene i potpisane od strane ovlaštene osobe koje su u skladu sa tačkom 12.5. TD
- j) Obrazac izjave o dostavi garancije za uredno izvršenje okvirnog sporazuma, **Prilog broj 4,**
- k) Pismena izjava ponuđača iz člana 52. Zakona o javnim nabavkama ovjerena od strane nadležnog organa (općinskog organa uprave, suda ili notara), **Prilog broj 5,**
- l) Obrazac povjerljive informacije, **Prilog broj 6,**
- m) Potpisan Nacrt okvirnog sporazuma, **Prilog broj 7,**
- n) Obrazac izjave o prihvatanju općih i posebnih uslova tenderske dokumentacije, **Prilog broj 8,**
- o) Ukoliko ponudu, umjesto lica upisanog u sudski registar, potpisuje ovlašteno lice, potrebno je uz ponudu, dostaviti i original ili ovjerenu fotokopiju punomoći lica ovlaštenog za potpisivanje ponude.

Komisija koja provodi predmetnu javnu nabavku konstatuje da je ponuđač „SIEMENS MEDICINA“ D.O.O. SARAJEVO, uz ponudu za nabavku robe: Rezervni dijelovi za održavanje medicinske opreme proizvođača „Siemens“ za potrebe JU Kantonalna bolnica Zenica na period od 1 (jedne) godine (otvoreni postupak javne nabavke uz namjeru provođenja e-aukcije, tender broj: 11-73/23), dostavio sljedeće dokumente:

- Naslovna strana ponude
- Obrazac sadržaja ponude, potpisan i ovjeren od strane ovlaštene osobe ponuđača
- Opšti podaci o ponuđaču, potpisano i ovjereno od strane ovlaštene osobe ponuđača
- Punomoć za Mirzu Salihovića i Melisu Junuzović, kopija ovjerena kod nadležnog organa dana 25.08.2023. godine
- Obrazac za dostavljanje ponude, **Prilog broj 1**, popunjen, potpisan i ovjeren od strane ovlaštene osobe ponuđača
- Obrazac za cijenu ponude, **Prilog broj 2, sa spiskom rezervnih dijelova i sa jediničnim cijenama (Prilog broj 10)**, popunjen, potpisan i ovjeren od strane ovlaštene osobe ponuđača
- Izjava o ispunjenosti uslova iz člana 45. Stav (1) tačkara od a) do d), stav (5) tačkara od a) do d) i stav (9) Zakona o javnim nabavkama BiH, **Prilog broj 3**, popunjena, potpisana i ovjerena od strane ovlaštene osobe ponuđača i ovjerena kod nadležnog organa dana 25.08.2023. godine
- Uvjerjenje Općinskog suda u Sarajevu, broj: 65 0 Kr 23 007865 od 24.05.2023. godine o činjenicama iz službene evidencije, da za pravno lice SIEMENS MEDICINA d.o.o. u krivičnom postupku nije izrečena pravosnažna presuda kojom je osuđeno za krivično djelo učešća u kriminalnoj organizaciji za korupciju, prevaru ili pranje novca, a sve u smislu člana 45. stav 2. tačka a. ZJN u BiH, kopija ovjerena kod nadležnog organa dana 25.08.2023. godine
- Uvjerjenje Općinskog suda u Sarajevu, broj: 065-0-R-23-001166 od 24.05.2023. godine o činjenicama iz službene evidencije, da kao pravno lice SIEMENS MEDICINA d.o.o. nije pod stečajem niti je predmet stečajnog postupka, nije predmet postupka likvidacije, odnosno nije u postupku obustavljanja poslovne djelatnosti, u smislu člana 45. stav 2. tačka b. ZJN u BiH, kopija ovjerena kod nadležnog organa dana 25.08.2023. godine
- Uvjerjenje Uprava za indirektno-neizravno oporezivanje, Regionalni centar Sarajevo, broj: 02/6/II-16-11-20-6062/23 od 29.05.2023. godine, kojim se potvrđuje da SIEMENS MEDICINA d.o.o. Sarajevo na dan 29.05.2023. godine, NEMA dospjelih a neizmirenih obaveza po osnovu indirektnih poreza, ostalih prihoda i taksu definisanih odredbama člana 1. stav (2) Zakona o sistemu indirektnog oporezivanja i člana 1. stav (3) Zakona o uplatama na Jedinstveni račun i raspodjeli prihoda, kopija ovjerena kod nadležnog organa dana 25.08.2023. godine
- Uvjerjenje Federalnog ministarstva finacija-finansija, Porezna uprava FBiH, Kantonalni porezni ured Sarajevo, Porezna ispostava Novo Sarajevo, broj: 13-9/3-12-5-6035/23 L.B.K. od 30.05.2023. godine, da "Siemens Medicina" d.o.o. na dan 30.05.2023. godine, prema poreznoj evidenciji NEMA OBAVEZA, porezni obveznik NEMA duga po osnovu javnih prihoda, porezni obveznik NEMA duga po osnovu doprinosa za penzijsko i invalidsko osiguranje, zdravstveno osiguranje i osiguranje od nezaposlenosti i ostalih direktnih poreza, kopija ovjerena kod nadležnog organa dana 25.08.2023. godine
- Lista osiguranih lica za obveznika broj 13-9/3-12-5-6035-1/23 LBK od 30.05.2023. godine, kopija ovjerena kod nadležnog organa dana 25.08.2023. godine
- Izjava o ispunjenosti uslova iz člana 47. stav (1) tačkara od a) do d) i (4) ZJN BiH, **Prilog broj 9**, popunjena, potpisana i ovjerena od strane ovlaštene osobe ponuđača i ovjerena kod nadležnog organa dana 25.08.2023. godine
- Obrazac Izjave o dostavi garancije za uredno izvršenje okvirnog sporazuma, **Prilog broj 4**, popunjen, potpisan i ovjeren od strane ovlaštene osobe ponuđača
- Pismena izjava iz člana 52. ZJN BiH, **Prilog broj 5**, popunjena, potpisana i ovjerena od strane ovlaštene osobe ponuđača i ovjerena kod nadležnog organa dana 25.08.2023. godine
- Povjerljive informacije, **Prilog broj 6**, potpisan i ovjeren od strane ovlaštene osobe ponuđača
- Obrazac izjave o prihvatanju općih i posebnih uslova TD, **Prilog broj 8**, popunjen, potpisan i ovjeren od strane ovlaštene osobe ponuđača
- Aktuelni izvod iz sudskog registra, Općinski sud u Sarajevu, broj: 065-0-RegZ-23-008832 od 23.08.2023. godine, kopija ovjerena kod nadležnog organa dana 25.08.2023. godine
- Rješenje Agencije za lijekove i medicinska sredstva BiH, broj: 10-07.12-2-5553-1/19 od 08.10.2019. godine, o upisu ponuđača u Registar veleprometnika medicinskih sredstava, izdato na period od pet godina zaključno sa danom 07.10.2024. godine, kopija ovjerena kod nadležnog organa dana 25.08.2023. godine
- EC Declaration of Conformity (strane od 23 do 31 ponude), kopije
- Potvrda broj 02957/23 idata dana 25.08.2023. godine od strane Raiffaisen Bank dd BiH, Glavna Filijala Sarajevo, kojom se potvrđuje da SIEMENS MEDICINA DOO, imalac transakcijskog računa, u periodu od 01.02.2023, do 24.08.2023 nije bio blokiran niti je imao zabranu raspolaganja sredstvima na transakcijskom računu, original dokument
- Autorizacija za ponuđača izdata od strane SIEMENS Healthcare GmbH, Njemačka, na engleskom jeziku sa prevodom, kopije ovjerene kod nadležnog organa dana 25.08.2023. godine
- Izjava ponuđača da predmetna ponuđena roba u cijelosti odgovara tehničkoj specifikaciji iz Obrasca za cijenu ponude-Prilog broj 10 TD, potpisana i ovjerena od strane ovlaštene osobe ponuđača

- Izjava ponuđača da su ponudeni originalni rezervni dijelovi pobrojani u prilogu 2 tenderske dokumentacije, potpisana i ovjerena od strane ovlaštene osobe ponuđača
- Izjava ponuđača kojom potvrđuju davanje garancije na ugrađene dijelove i izvršene usluge i funkcionalnost opreme u trajanju od 6 (šest) mjeseci od dana izvršenja usluge, odnosno dana ugradnje rezervnih dijelova, potpisana i ovjerena od strane ovlaštene osobe ponuđača
- Lista rezervnih dijelova sa cijenama
- Izjava ponuđača kojom potvrđuju da rok isporuke rezervnih dijelova neće biti duži od 30 (trideset dana) od dana dostave elektronske narudžbenice, potpisana i ovjerena od strane ovlaštene osobe ponuđača
- Izjava ponuđača da kojom potvrđuju da će se isporuka roba odn. izvršenje usluga servisiranja medicinske opreme proizvođača Siemens obavljati u Javnoj ustanovi - Kantonalna bolnica Zenica na adresi Crkvice br.67, 72000 Zenica, potpisana i ovjerena od strane ovlaštene osobe ponuđača
- Izjava ponuđača kojom potvrđuju da se cijena bez PDV-a, koja je iskazana u tenderskoj dokumentaciji, za vrijeme trajanja Ugovora neće mijenjati, potpisana i ovjerena od strane ovlaštene osobe ponuđača
- Izjava ponuđača kojom potvrđuju saglasnost po pitanju plaćanja u skladu sa tačkom 32. tenderske dokumentacije, potpisana i ovjerena od strane ovlaštene osobe ponuđača
- Izjava ponuđača kojom potvrđuju rok važenje ponude od 120 (stotinudvadeset) dana, potpisana i ovjerena od strane ovlaštene osobe ponuđača
- Izjava ponuđača kojom potvrđuju da prihvataju dostavu elektronskih narudžbi putem službenog e-maila, potpisana i ovjerena od strane ovlaštene osobe ponuđača
- Izjava ponuđača kojom potvrđuju da će nakon odluke o izboru na službeni mail ugovornog organa dostaviti elektronski popunjen obrazac za cijenu ponude - Prilog broj 10, potpisana i ovjerena od strane ovlaštene osobe ponuđača
- Nacrt Okvirnog sporazuma, **Prilog broj 7**, popunjen, potpisan i ovjeren od strane ovlaštene osobe ponuđača
- 1 (jedna) kopija

Analizom ponude ponuđača „SIEMENS MEDICINA“ D.O.O. SARAJEVO Komisija koja provodi predmetnu javnu navku robe: Rezervni dijelovi za održavanje medicinske opreme proizvođača „Siemens“ za potrebe JU Kantonalna bolnica Zenica na period od 1 (jedne) godine (otvoreni postupak javne nabavke, uz namjeru provođenja e-aukcije, tender broj: 11-73/23), utvrdila je da je dostavljena ponuda uvezana i numerisana na način propisan TD, da je ponuđač dostavio „ORIGINAL“ i „KOPIJU“ ponude kako je traženo TD u skladu sa tačkom 15.TD, da je imenovani dostavio tražene dokumente, obrasce, izjave, ovjerene od strane nadležnog organa i ovlaštene osobe, prema uputama i uvjetima postavljenim u TD, a iz svega se može utvrditi da ponuđač „SIEMENS MEDICINA“ D.O.O. SARAJEVO, ispunjava uslove u pogledu:

- lične sposobnosti ponuđača iz člana 45. ZJN BiH, u skladu sa tačkom 12.1. TD,
- profesionalne djelatnosti ponuđača iz člana 46. ZJN BiH, u skladu sa tačkom 12.2. TD,
- ekonomsko-finansijske sposobnosti ponuđača iz član 47. ZJN BiH, u skladu sa tačkom 12.3. TD,
- izjave ponuđača u skladu sa tačkom 12.4. TD, koje čine sastavni dio ponude.

Komisija koja provodi predmetnu javnu nabavku konstatuje da je ponuđač „SIEMENS MEDICINA“ D.O.O. SARAJEVO na strani 10 i 11 dostavio uvjerenje Općinskog suda, broj: 65 0 Kr 23 007865 od 24.05.2023. godine, i Uvjerenje Općinskog suda u Sarajevu, broj: 065-0-R-23-001166 od 24.05.2023. godine, koji nisu u skladu sa tačkom 12.1. TD odnosno dostavljena uvjerenja su starija od 3 mjeseca računajući od momenta predaje ponude (tj. 28.08.2023. godine), kao i da ponuđač „SIEMENS MEDICINA“ D.O.O. SARAJEVO nije dostavio uvjerenje Suda BiH u skladu sa tačkom 12.1. a) TD, te u slučaju da ponuđač ne dostavi potrebnu dokumentaciju smatrat će se da je odustao od ponude.

Komisija konstatuje da ponuda ponuđača „SIEMENS MEDICINA“ D.O.O. SARAJEVO ispunjava sve zahtjeve u pogledu opisa predmeta nabavke i tehničkih specifikacija u skladu sa traženim TD, a ponudeni su originalni rezervni dijelovi.

Prema svemu gore navedenom ponuda ponuđača „SIEMENS MEDICINA“ D.O.O. SARAJEVO u predmetu nabavke robe: Rezervni dijelovi za održavanje medicinske opreme proizvođača „Siemens“ za potrebe JU Kantonalna bolnica Zenica na period od 1 (jedne) godine (otvoreni postupak javne nabavke, uz namjeru provođenja e-aukcije, tender broj: 11-73/23), u cjelosti ispunjava uslove postavljene u TD i kao takva prihvatljiva je ugovornom organu u cjelosti.

Nakon toga prišlo se na ocjenu ponude u skladu sa utvrđenim kriterijima.

U tenderskoj dokumentaciji za nabavku robe: Rezervni dijelovi za održavanje medicinske opreme proizvođača „Siemens“ za potrebe JU Kantonalna bolnica Zenica na period od 1 (jedne) godine (otvoreni postupak javne

nabavke, uz namjeru provođenja e-aukcije, tender broj: 11-73/23), JRJN oznaka predmeta nabavke: 34913000-0 Razni rezervni dijelovi, ukupna vrijednost nabavke iznosi 300.000,00 KM (bez PDV-a) na jednogodišnjem nivou.

Kriteriji za dodjelu ugovora je: a) Najniža cijena tehnički zadovoljavajuće ponude
Također, tenderskom dokumentacijom planirano je provođenje e-aukcije.

Komisija je izvršila vrednovanje ponuda kako slijedi:

U predmetnom postupku ponudu je dostavio 1 (jedan) ponuđač: „SIEMENS MEDICINA” D.O.O. SARAJEVO. Obzirom da je nakon provjere kvalificiranosti ponuđača utvrđeno da samo jedan ponuđač ispunjava sve zahtjeve iz TD, odnosno da ima 1 (jedna) prihvatljiva ponuda, čime se nisu stekli uslovi za provođenje e-aukcije. u skladu sa odredbama Pravilnika o uslovima i načinu korištenja e-aukcije (Službeni glasnik BiH, broj: 66/16) i kriterijima za dodjelu okvirnog sporazuma definisanim tenderskom dokumentacijom.

Komisija je izvršila vrednovanje jedine prihvatljive ponude kako slijedi:

RED. BR. PONUDE	PONUĐAČ	Garancija na rezervne dijelove	UKUPNA CIJENA u KM, bez PDV-a
1.	„SIEMENS MEDICINA” D.O.O. SARAJEVO	6 MJESECI	299.541,90

Procijenjena vrijednost nabavke je **300.000,00 KM** bez PDV-a.

Obzirom da za nabavku robe: Rezervni dijelovi za održavanje medicinske opreme proizvođača „Siemens“ za potrebe JU Kantonalna bolnica Zenica na period od 1 (jedne) godine (otvoreni postupak javne nabavke, uz namjeru provođenja e-aukcije, tender broj: 11-73/23), pristigla samo jedna kvalificirana ponuda, da zakazivanje i provođenje e-aukcije u tom slučaju se ne provodi iz objektivnih razloga, shodno utvrđenoj rang listi, Komisija jednoglasno daje preporuku direktoru JU Kantonalne bolnice Zenica da u postupku za nabavku robe: Rezervni dijelovi za održavanje medicinske opreme proizvođača „Siemens“ za potrebe JU Kantonalna bolnica Zenica na period od 1 (jedne) godine (otvoreni postupak javne nabavke, uz namjeru provođenja e-aukcije, tender broj: 11-73/23), izvrši odabir ponude i donese odluku o dodjeli okvirnog sporazuma na period od 1 /jedne/ godine ponuđaču „SIEMENS MEDICINA” D.O.O. SARAJEVO kao jedinom prihvatljivom ponuđaču, sa kojim će se zaključiti okvirni sporazum na ukupnu visinu ponude od 299.541,90KM bez uračunatog PDV-a, i garancijom na rezervne dijelove od 6 mjeseci od dana ugradnje rezervnog dijela.

Na osnovu gore navedenog, donesena je odluka kao u dispozitivu.

POUKA O PRAVNOM LIJEKU:

Protiv ove odluke može se uložiti žalba
Kantonalnoj bolnici Zenica u roku od 10 (deset) dana
od dana prijema iste.



DIREKTOR

Dr Tarik Zulović

Aueda J. Anufrić
Dr